

Қазақстан Республикасының Үкіметі мен Өзбекстан Республикасының Үкіметі арасында үкіметтік байланыс саласындағы ынтымақтастық туралы келісім жасасу туралы

Қазақстан Республикасы Үкіметінің қаулысы 2001 жылғы 19 желтоқсан N 1659

Қазақстан Республикасының Үкіметі қаулы етеді:

1. Қазақстан Республикасының Үкіметі мен Өзбекстан Республикасының

Үкіметі арасында үкіметтік байланыс саласындағы ынтымақтастық туралы келісімнің жобасы мақұлданды.

2. Қазақстан Республикасының Сыртқы істер министрлігі Қазақстан Республикасы Ұлттық қауіпсіздік комитетінің (келісім бойынша) қатысуымен өзбек тарапымен келіссөздер жүргізсін және қағидаттық сипаты жоқ өзгерістер мен толықтырулар енгізуге рұқсат беріле отырып, Қазақстан Республикасы Үкіметінің атынан көрсетілген Келісімді жасассын.

3. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Жоба

Қазақстан Республикасының Үкіметі мен Өзбекстан
Республикасының Үкіметі арасында үкіметтік байланыс
саласындағы ынтымақтастық туралы
КЕЛІСІМ

Бұдан әрі Тараптар деп аталатын Қазақстан Республикасының Үкіметі мен Өзбекстан Республикасының Үкіметі,

екі мемлекеттің арасындағы қазіргі достық қатынастарды одан әрі нығайту ниетін басшылыққа ала отырып,

халықаралық үкіметтік байланысты сақтау мен дамытудағы Тараптардың мүдделілігін ескере отырып,

Қазақстан Республикасы мен Өзбекстан Республикасы арасында, сондай-ақ Тәуелсіз Мемлекеттер Достастығы шеңберінде жасалған халықаралық шарттарды назарға ала отырып,

өзара сенім білдіру және бірін бірі құрмет тұту негізі болып табылатын қарым-қатынастарды нақты тәртіпке келтірудің көкейкесті қажеттілігін негізге ала
о т ы р ы п ,

төмендегілер туралы келісті:

1 - б а п

Осы Келісімнің мақсаттары үшін мынадай анықтамалар қолданылады:

1) "құзыретті ұйымдар" - Қазақстан Республикасының Ұлттық қауіпсіздік комитеті және Өзбекстан Республикасы Министрлер Кабинетінің Үкіметтік байланыс қызметі, Өзбекстан Республикасының Ұлттық қауіпсіздік қызметі;

2) "үкіметтік байланыс" - мемлекеттік басқарудың қажеттілігіне арналған арнайы б а й л а н ы с ;

3) "халықаралық үкіметтік байланыс" - Қазақстан Республикасы мен Өзбекстан Республикасының үкіметтік байланыс абоненттері арасындағы ақпарат алмасуға арналған үкіметтік байланыс жүйесі;

4) "шифрлау құралдары" - ақпаратты өңдеу, сақтау және байланыс арналары бойынша беру кезінде оны қорғауға арналған, ақпараттың түрін өзгертетін криптографиялық алгоритмдерді іске асыратын, оның ішінде рұқсат берілмеген араласудан, жалған ақпаратты таңудан қорғауға арналған аппараттық, бағдарламалық-аппараттық және бағдарламалық құралдар, негізгі құжаттарды дайындау құралдары, қолдан жасалатын шифрлар, кодтау құжаттары.

2 - б а п

Тараптар тұрақты жұмыс істейтін халықаралық үкіметтік және шифрланған құжаттамалық байланысты қамтамасыз етеді және жетілдіреді.

Тараптардың әрқайсысы екінші Тараптың мүддесін қозғайтын халықаралық үкіметтік байланысты ұйымдастыру, техникалық тұрғыдан пайдалану және оның қауіпсіздігін қамтамасыз ету мәселелерін шешуде тең құқылы.

Халықаралық үкіметтік байланысты ұйымдастыруды, техникалық

пайдалануды, қауіпсіздігі мен үзіліссіз жұмыс істеуін қамтамасыз ету мәселелерін құзыретті ұйымдар шешеді.

Тараптардың әрқайсысы өз мемлекетінің заңнамасына сәйкес, егер Тараптар қатысушылары болып табылатын халықаралық шарттарда өзгеше талаптар айтылмаса, екінші Тарап мемлекетінің жоғары лауазымды тұлғаларына өз мемлекетінің аумағында үкіметтік байланысты ұсынады.

4-бап

Өз мемлекеті аумағының шектерінде халықаралық үкіметтік байланысты ұйымдастыру, іске қосу, техникалық пайдалану және одан әрі жетілдіру жөніндегі шығыстарды Тараптардың әрқайсысы төлейді.

5-бап

Құзыретті ұйымдар мынадай бағыттар бойынша:

1) халықаралық үкіметтік байланысты, сондай-ақ үкіметтік байланыстың ұлттық жүйелерін пайдалану мен олардың жаңа жүйелерін және құралдарын өндіру саласында ғылыми-зерттеу және тәжірибелік конструкторлық жұмыстарды бірлесіп жүргізеді;

2) үкіметтік байланыс құралдарын өндіру саласында;

3) үкіметтік байланыс жүйелеріндегі және құралдарындағы ақпаратты қорғау саласында ;

4) Қазақстан Республикасы мен Өзбекстан Республикасының үкіметтік байланысының радиоэлектрондық құралдарының электромагнит бірлігін қамтамасыз ету мақсатында өз мемлекетінің аумағында өздеріне бөлінген жиілік спектрін пайдалану саласында ;

5) кадрларды даярлау, қайта даярлау және олардың біліктілігін арттыру саласында өзара іс-қимылды жүзеге асырады .

Өзара іс-қимылдың көрсетілген бағыттары бойынша ынтымақтастық құзыретті ұйымдардың арасындағы келісім бойынша жүзеге асырылады.

Бірлескен ғылыми-зерттеу, тәжірибелік-конструкторлық әзірлемелер және олар бойынша дайындалған халықаралық үкіметтік байланыстың дауыстық, сондай-ақ құжаттық ақпаратын берудің және шифрлаудың техникалық құралдары - Тараптардың құзыретті органдарының меншігі болып табылады және олар өзара келісімсіз үшінші Тарапқа берілмеуі тиіс .

байланысты, сондай-ақ үкіметтік байланыстың ұлттық жүйелерін ұйымдастыру және пайдалану үшін қажетті шифрлау құралдарының, байланыс техникасы құралдарының, жинақтаушы бұйымдардың және қосалқы бөлшектердің жеткізілімін келісілген көлемде қамтамасыз етеді.

Шифрлау құралдарын, байланыс техникасының құралдарын, жинақтаушы бұйымдарды және қосалқы бөлшектерді жеткізу, сондай-ақ аталған құрал-жабдықтарды жөндеуді ұйымдастыру және арнайы мақсаттағы қызметтер көрсетуді Тараптар олардың арасында жасалған шарттарға (келісім-шарттарға) сәйкес жүзеге асырады.

7-бап

Осы Келісімнен туындайтын мәселелерді іске асыру бойынша құзыретті ұйымдардың өзара іс-қимылы кезіндегі жұмыс тілі орыс тілі болып табылады.

8-бап

Осы Келісімнің ережелерін түсіндіруге және қолдануға қатысты мәселелер Тараптар арасындағы келіссөздер және консультациялар арқылы шешілетін болады.

9-бап

Осы Келісімге Тараптардың өзара уағдаластығы бойынша осы Келісімнің ажырамас бөлігі болып табылатын жекелеген хаттамалармен ресімделетін өзгерістер мен толықтырулар енгізілуі мүмкін.

10 - б а п

Осы Келісім бес жыл мерзімге жасалады және оның күшіне енуі үшін қажетті мемлекетішілік рәсімдерді Тараптардың орындағаны туралы соңғы жазбаша хабарланған күннен бастап күшіне енеді.

Егер Тараптардың бірде-бірі осы Келісімнің қолданысын тоқтату ниеті

туралы екінші Тарапқа дипломатиялық арналар арқылы жазбаша хабарламаса, Келісім өздігінен келесі бесжылдық кезеңге ұзаратын болады. Бұл жағдайда

екінші Тараптың осындай жазбаша хабарламасын алған күннен бастап алты ай өткен соң Келісімнің қолданысы тоқталады.

Астана қаласында 2001 жылғы " ____ " қарашада әрқайсысы екі данада қазақ, өзбек және орыс тілдерінде жасалды және де барлық мәтіннің күші бірдей. Осы Келісімнің ережелерін түсіндіру мақсаты үшін орыс тіліндегі мәтін қолданылады.

Қазақстан Республикасының
Үкіметі үшін

Өзбекстан Республикасының
Үкіметі үшін

Мамандар:

Багарова Ж.А.,
Қасымбеков Б.А.